

28 JUL 1999

Pemimpin-Putrajaya

KETUA-KETUA KERAJAAN LAWAT PUTRAJAYA

PUTRAJAYA, 28 Julai (Bernama) -- Tiga ketua kerajaan dan wakil negara membangun yang menghadiri Dialog Antarabangsa Langkawi yang baru berakhir melawat Pusat Pentadbiran baru Persekutuan di Putrajaya di sini hari ini.

Ketibaan mereka di Kompleks Jabatan Perdana Menteri disambut Perdana Menteri Datuk Seri Dr Mahathir Mohamad.

Ketua-ketua kerajaan itu ialah Presiden Sudan Omar Ahmad El-Bashir, Presiden Mozambique Joaquim A. Chissano dan Perdana Menteri Lesotho P. Mosisili.

Yang lain termasuk Naib Presiden Ghana Prof J.E.A. Mills, Timbalan Presiden Afrika Selatan Jacob Zuma dan Menteri Kewangan Jordan Dr Michel Marto.

Dr Mahathir kemudian membawa mereka melawat sekitar kompleks itu termasuk pejabatnya.

Mereka juga menyaksikan pemandangan panoramik Putrajaya dari tingkat enam bangunan itu.

Para pelawat itu yang diiringi Dr Mahathir kemudian melawat Masjid Putra yang terletak bertentangan dengan tasik buatan manusia.

Terdahulu, setibanya dari Langkawi, mereka melawat Universiti Multimedia di Cyberjaya, yang terletak dekat Putrajaya.

-- BERNAMA

ARA FAZ